

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪДИ ТИИТБИРНИЛА ШАЙЧИБСИ ГАЗЕТА

№ 6 (107) ИЮНЬ 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / джумад-уль-ахир 1429 г. Багъа 15 къуруш.

ДИН ВА НУША

Замунтира гъадатунира

Н ушала республикализир гѣргъити дусмазир кадиркути анѣбукъуни мурхъли хѣрдирухѣли ва баяндирухѣли, дигъянали ва дакъули Исламличи къаршили дургъути цакъяни лерли диъни ашкарбирули саби.



Ас-Салам фото

Селисалра гъалаб, ил вагъабизмала идеология гѣббурцилизиб ва белгити адамтани, ил лугѣлилизиб жавабла къуллукъу-

начиб бузутира биахъубли, ил хѣракат гъалабхѣ башахъес икъалабирнилизиб багъарбулхъули саби. **» 4-5**

ИСЛАМ

Динна дарс бирар

Россияла школабазиб сагаси чеблибиубси предмет руркъяхъу

Татьяна СОЛНЦЕВА



Ас-Салам фото

2009 ибил дусла сентябрьла цаличибад бехѣбихъили Россияла школабазиб сагаси предмет бирар – «Рухла-адабла шайчибси культура» биклуси. Ил предметла дурсрачир православиела, исламла, иудаизмала ва буддизмала хъулчни руркъяхъу. **» 6**

Гъазикъумукълан ЖАМАЛУДДИН-АПАНДИ

«Гъяхѣти адабти»

(5-ибил номерлизибсила хъарахъуд)

Чузибад тавбу дирути бунагъуни Аллагъла хѣкъ саби яра адамла хѣкъ саби

Аллагъу тагъялала хѣкълизиб бунагъ бархъбатнилира пашманвиънилира абаалабир-ру. Аллагъу тагъялала хѣкълизир диубти бунагъунала лугѣлизир лер: сари дархъдатниличибли шаригъятли абаала хѣбарахъили чебаахънира имѣабарибти дехѣбала-дуббуцурачи мешули, илдазирад сари кафарат имѣабарибти хъялизивад къянавиъниличи мешули, ихди ахѣнтира.

Адамталахѣкъанивикладли. Сари чула бегъгачи хѣдаахъили чараагара, чула бегъгачи хѣ-

баргалли, илдачибад садакъа биру. Сай мискиниубли, сунечирти хѣкъаназивад дуравхъес хѣйубси адамла Аллагъ чевурхъниличи хъул леб. Аллагъла уркѣцира сахаватли бутѣли саби. Дахъал сари Аллагъли вайтачирад гъяхѣтаци дарсдарибтира. Ил багъес адамличиб чебси саби.

Гъяхѣти баркъудлума имѣадарнира, сунени зулмубарибсила бунагъуни урдучни тѣлабарнира, Аллагъла уркѣцилизибад хъул хѣбердахънира сари. **» 6,7**

ИДБАГЛИЧИЛА БЪАЯНТИ

Идбагла букъурдеш

Аллагъла Расулли н ушачи даахъибти адаб-хѣяла къиликъуни ишбархѣи нушани секъяйда дузахъула



Динна дурабад адаб-хѣя кадизахъес балбизни чус гъяхѣдизурти духълума сагали удатес дигухѣли, мякъи агарли, илдада къялуби дакъахъес ванзализи удалтути дурхѣналагъуна баркъуди саби. Динна шайчибси хъулчи агарли гъарли-марти, гѣрдирути ахѣнти адаб-хѣя диэс хѣдирар, мякъ агарли гъарли-марси бухъала биэс хѣбирули къяйдали... Адаб-хѣя биалли муртлисалра гъямрулис гъуни чебиахъути секлал сари...

Лев Толстой **» 3**

Номерлизир:

2 БАРХЪСИ ГЪУНИКАД ВАШЕС

ДИЛА ГЪУНИ



2 САГАТИ ХАБУРТИ

КЪИЗЛАРЛА РАЙОННИЗИБ МАВЛИД



7 МОБИЛЬНИКЛИЗИРАДТИ ЖАВАБТИ



8 АРХИТЕКТУРА

САНКТ-ПЕТЕРБУРГЛА ЖУМЪЯГЛА МИЖИТ



8 БУЧИАНТАЛА КАГЪУРТИ

НЕШЛИС ТУЛКИ

ИСЛАМЛА КАЛЕНДАРЪЛИЗИРАД

Декіти бунагъуни

Нуфайг бин аль-Харисли Абу Бакр-лизи ибсири, биклар: «Гъачам Аллагъла Расулли адамтази ишкъайда хъарбаили уили сай: «Декіти бунагъунази се кадурхутил хушази буришав?». Иллини ил суал хіяйна тикрарбарили сай. Нушани ира: «Бура, гъайгъай, Аллагъла Расул!» Илхелли илини иб: «Илди сари бахъал аллагъунас суждабирни ва вегла бегла-ла хлурмат хлебирни». (Бухари, Муслим).

Бархъси гъуни ва чеввулкІни

Къудратла ВегІ Аллагъли иб: «Аллагълис чи бархъси гъуйчи вяхіча-эс дигули ахъаллира, Иллини исламлис илала михъири ибхъу, чи чеввалкІахъес дигули ахъаллира, Иллини илала михъири заклиззи айцхлеливан гъажбиру ва чумабиру».

Сура 6 «Хіяйван», аят 125.

ХІижрала мягІничебдеш

Бусурманни Мадинализи гечбиъни-ла мягІничебдеш чус вайти секіайзибад гелумбизнилизиб яра чебдукарбирхІни-лизібад гелумбизес ахленрину, хіижра-ли сагаси мерличиб сагаси жамигъят алкІахъниличи дяхічаибти адамтала къасани цахІнадахъахъес имкан алкІахъ-ни сабри. Хіера ил багъандан саби сага-си жамигъят алкІахънилизі ва ил деба-бирахънилизіра чебяхІбирнилизіра сегъуна-биаллира пай кабихъес ахъри лебси гъарил бусурман адамлис хіижра дураберкІес чебси.

Хъунул адам архІяли рашничила

Абу Хурейрани бурусири биклар: «Идбагли ❁ ибсири: «Аллагъличира Къиямалла бархІиличира рирхуси хъунул адамлис варх гъамси тухум (мяхІрам) агарли бархІира дугира бухъ-янбилтІуси архІяличи рукъес асухеби-рар». (Бухари).

ИСЛАМ ВА ИШХІЕЛЛА ЗАМАНА

Чихъали сецад леба?

2005 ибил дуслизіб Ванзалічіб хлери-бурути адамтала лугли урегалра байхъ-алара миллиардличібад чедібухъун. Инсаніятлізібад імціатигъунти бирхути саби.

Адамтала хіабал бутлала ца бутла деклар-декларти бяхічібизунала хриси-тианти саби ва ил къадар глергъити дусмазиб буресли барсбиубли ахлен. Бусурмантала лугли тІашбизниагарли імціабиклули саби.

Эгер вецІал дус гъалав дунъяли-чівси урег-ибил адам бусурман виал-ри, шел дус гъалав гъарил шуибил бусурман сайри, ишбархІилиси биалли Ванзалічібти адамтала авал бутлала ца бутла бусурманни саби. Илди 1 565 280 азир адам саби.

ЦархІилван буралли, дунъяличібси бусурмантала умма ца миллиард бай-хъайчибад бухъи саби.

БАРХЪСИ ГЪУНИКАД ВАШЕС

Нушани багъес хледирехІе Къудратла ВегІли нушаб сецад гямру гилл. Амма нуни гъанна дила гямру клел бутлалі-чи дуртІулра: цаибти дехІибала дараичи ва илис глергъитачи...

ЦацахІелі нуша нушала гямру секъяйда аркъули диаллира, илкъяйда биэс гІягІнилі саби или гъайкадирулра ва ил бетуц хлехъдешлізи халбирулра. Астагъфируллагъ! Нушани балутилра диахІелри нуша секъяй-дали хатІадирулрал. Дила дагърила авид-лізи дила бегІтазирад, гъамтазирад иргъу-ти ва телевизорлізирад, дила балликъя-набазирад далути багъудлумицун сарри кадурхути. Нуни иргъутира набзи дуру-тира дархътил ахленал пикрирухъесалра гъанхІебирки наб. Бахъалгъунти адамтала дагърила ва багъудлумала даража илдала мякълабти ва илдачил бархбасуни дузахъ-утала дагърила ва багъудлумала даража-лізібад дигахъуси саби.

Ну гъанна гямруличі секъяйда хлери-рули ва хлерикули калунрал белгибарес ралризасли, кахси муэрлізир кали рулра или гъанбиркули саби. Сен ну илкъяйда хлериэс риубрал гъаннара жаваб гесалра рирули ахленра...

БегІлара тамашала ва кахси нуни гъар секІал илкъяйда диэс гІягІнити дурги или халбирули кални саби. Ну тІашризурти ва дила гямру секъяйда гъунчидирулил пикрирухъунти замунтира диуб. Дахъал анцІбукъуназир нушани кам-гъамти секІал багъандан халати секІалра детихъахъули дулра. Ну набзирад кадирути баркъудлу-мачи, дила бухъя-зегъаличи бекІлил пик-рихІерікули кали рулра.

Дила бегІти динна адамти ахленри. Илди динничібад гъарахъти адамти сабри. Ил багъандан бурги, нунира динничіла селра-деклар балули ахленри. Наб бяркъ лугухІеліра социализмала заманала гІя-датуначи сабри дила бегІти хъарихъути. ИтхІелі бахъли чула дурхІнас гІягІниси тяхІярли бяркъ бедлугули ахленри. СенкІун ил секъяйда бедлугусил илдани чунира балули ахленри.

Дила игъбарбиуб, нуни дархътази хал-дирути ва сари хІясибли ну хлерирути дурхъадешуни гъятІардякъун. Къудратла ВегІ Аллагъли ну пергер адамтачи ряхІа-гахъира, илдани гямруличі дила хІулби абхъиб, сагати мусисиртуни гъардиахъ-уб. Илдани дахъал секІайчи бурсирари-ра, дахъал секІал дагъахъур, гъаннара ну илдани бяркъличи риркахъулра.

Ну таманни рарсриубра. Дила гямру бухъанси заманалис туснакълизив кали, гІур азаддешличі дуравхъунсилагъунти детаур. Нуни шала чебаира—Исламла нурли миціррарира. Илди нурли хІу сукъурирули ахленрину, гъатлира чебиан ветарахъулри. РухІра уркіра Къудратла ВегІличи дигили дирцули сари. ХІела гъарил гъигъ, кайцІуси гъарил ганз Къудратла ВегІличібяхІ сабли уббулхъули саби. ХІу къардухъесра, кайкесра, хатІайкесра асу-бирар, амма хІу чІянкІли иличивяхІ вашу-ри. Къудратла ВегІ хлечи разили калахъес гъазализиври. Илкъяйда рарсриубра нура.

Дила урла пикрумира гямрула бетуцра нуни кахти секІал чедіахъути кинофиль-мабачил цугдурцути хІязлис ахлен. Гямру къалли кино ахлен. Адамлис, алхІямдулил-лагъ, Къудратла ВегІли варсиахъес имкан гили сай. Иличіб гІур халаси се биэс бирара?

Тавбадарни, хлерирад кадикибтачи паш-маниъни—ил талихІра саби кахси гІязабра. Деклі саби хІу Аллагъличі лехІхІейхъули калничіла булухІелі, амма разидеш-

Дила гъуни



Ас-Салам фото

ра леб, Къудратла ВегІли хІу вагъурхІелі ва хлед варсиахъес имкан гибхІелі. Ну илди клелра хІялла дазуличир хлерирулра. Аллагълизи набчивад чевверхахъес рул-гули хлерирулра. Нуни илала гъалабси чебла ахъес хлеририличілар балулра, амма илини наб рарсриахъес гибси имкан къиматлабирулра. Ил багъандан баркалла рикІулра. Ну гъаннара иличи аркъуси гъуй-чирад черхІералкІахъес рулгулра.

ДехІибала дарили глергъира дила хІул-базирад нургъби гердикІули дирар. Набчир илхІелі сегъунти хІялани дирарал гъайли-чил бурес рирули ахленра. Ну хиджаблизир ратрихъибхІелі, дила уркілиличіб сегъу-на разидеш бирарал аргъахъес хлерирул-ра. Нуни гъалаб балуси ахленри адамлис ишкъяйда гъамадли биэс бирниличіла. Тавбадарнили дила рухІра уркіра умуда-рили диэс гІягІнити сари, цархІилван ну ишгъуна хІяйчир риэс хлерираси.

ГІиса идбагли ❁ бурибсири: «Чи кІина акІубси хІейаллира, ил бекІлил акІубси ахлен. Цаибил яргалис бегІтазирад алкІуси сай. КІинайс—рухІла шайчівси насихІятчи-ла кумекличил». Ну биалли хІяйна акІубра: бегІ гъалар—дила бегІтазирад, кІинайс—цаибти дехІибала дарибхІелі, хІяйнайс—дила устаз СягІид-апанди Чиркавила хъули арацІибхІелі.

Къудратла ВегІ Аллагъли сунела идбаг МухІаммадла ❁ кумекличил нушачи дурхъ-аси Къуръан баахъиб. Ил хІясибли сарра нуша лерилра хлериэс гІягІнити. Нушала Идбагли ❁ сунела гІибратличил чебаахъиб бусурман адам секъяйда хлериэс гІягІнисил. Аллагъ нушачи разили калесли хлери-рес чебиркур. Нушала гямру—илди нуша сегъунти адамти саррал дурабуркІуси хІя-лумцІла дуили сари.

Илди дурхъати багъудлуми мургъила рахажлизирти мявниван цали итилличи диахъули, нушала устазунани илди нуша-чира даахъили саби.

Набчи барибси халаси урклеці багъан-дан Аллагълис хлерамсурли рулгулра. Ил нушачи ряхІмучевси сай. Иллини нуша барибсилічи пашмандиахъес ва гъарли-мрти бусурманни детаахъес имкан лугули сай, ил багъандан саби илала сахават-дешла дазу агарси.

Адамти, сукъуртала глермадиридая, талихІ мякълаб саби! Аллагъ икъалавиаб нушаб сай разивіубтала къяназир диахъ-ес! Амин.

ХІурматличил – Муслимат

СИЯХ

Чис гІяхІдеш биубли дигули виаллира, Аплагъли илис диннізи гъуни ибхъу ва бархъси гъуйчивад вашахъес имкан бедлуга

САГАТИ ХАБУРТИ

Къизларла районнізіб мавлид

ГІяхІмад ЕВПАТОВ

Къизларла район-на «Къизлар» совхозлізіб Идбаглис ❁ багъишлабарибси мавлид бетерхур.



Ас-Салам фото

Ил районнізіб хлерибурути бусурманни исламла тяхІяр-къяйда дузахъниличі чекаби-зурти саблин декларбулхъули саби. Мавлидличир Исламла хъулчначила ва нушала дурхъаси Идбагличила ❁, илала гямруличіла ва бар-къудлумачил мягІничер-ти гъай детаур. Мавлидуни дурадуркІнилі адамтазиб дин чІумабирахъули саби, илдазібси иман дебабирахъ-ули саби.

Мавлидличі музабухъ-унтала гъалав гъайухъун Дагъиста муфтійла кумек-чи МухІаммадвакил Султан-мяхІяммадов, Къизларла районнізівси Дагъиста бусурмантала идарала вакил ГІябдулхІямид-хІяжи МяхІяммадов, Теологияла институтла Къизларлізібси филиалла преподаватель МяхІяммад-хІяжи Асуев, Старый Терек поселокла имам МухІаммад-хІяжи ва цархІилти.

Теологияла институтла Къизларлізібси филиал-лізіб бучІути студентунани тулкни делчІун.

Ахирличив урибси пагъли-ван ГІямар ХІянапиевли суне-ла устадеш чедаахъиб.

МУХАММАД ИДБАГЛИЧИЛА ﷺ БАЯНТИ

Гяйша ГЯХИМАДОВА,
«Ас-саламла»
саби бегиси корр. журналист

Идбагла букьурдеш

Аллагъла Расулли ﷺ нушачи даахъибти
адаб-хияяла къиликъуни ишбархли нушани
секъяйда дузахъула

1 « Нуша гъаман дахъли жалдикъули дирехле адаб-хияяла хлекълизир. Адамла гямура хълчи саби или халбирути адаб-хияя се сарил дурусил белгибарес багъандан философияла шайчирти ахир агарти умцлаби дурадуркнилизе ихъули дирехле. Бархъдеш биалли мурталрара-сера гядатли биубсили бирар, ил муртлисалра кавлуси саби. Аллагъ вагъес ва илис къулукъбарес гямура харждируси адамла биалли адаб-хияяличила мурталра сай вегиси пикри бирар.

Секъяйдали нуша зумали Къудратла Вегилис дезадикъули дирехле нуша илала умматлизир аклахъни багъандан, сунес дигуси Идбагла ﷺ умматлизирад диахъни багъандан! Ил дурхъаси темаличила гъайикълхеле тлубли руржули сари ва рухл гъалакдирули сари. Нушала Идбагла ﷺ гяхити баркъудлумачила ва илини адамтачи халаси асар барес вирули калниличила бурули саби гъалаб жанивардешличилра, къа чагъдешличилра, пасатдешличилра, держлукъдешличилра декларбулхъути адамти илала асарлиуб пергер адамти бетаънилира, илди сахаватдешличил, бархъдешличил, гяхити хял-тлабигъатличил декларбулхъути бетаънилира, цархилти пергер къиликъунала бегитили бетаънилира.

Аллагъла Вакилли ﷺ сегъуналра агилизиб лайикъагарси дев хлебури, къабулхлебареси баркъуди дурахле-бурки. Ил мурталра виклусири: «Хиушазибад беглар гяхити—илди гяхити хял-тлабигъатличил ва адаб-хияяличил декларбулхъути саби» (Бухари).

Нушазибад бахъли бирару сабира илдигъунтала лугилизир сарра или бурес? Ишди тугъи дучълхеле бахъал адамтани нудби къябшдучес асубирар, илди чузирад кадиркути баркъудлуми мардирути сабабти даргес умцлес балбилзан. Нуша гядатла адамтира, дунъялизир хлердирути, нушала нафсличи хаста сари бунагъла баркъудлумира биклестира айхъур. Нушала умматлис гъуни чебиахъули калунсили маслигъатдирути секлал таманхледирутанира ил биру. Нушани къалли балула Исламла беклидиубти хълчнaziбад ца суннат биъни, цархилван буралли, гъар секъайзир нуша нушала Идбаглис ﷺ глергъи дашес гягнитира. Къудратла Веги Аллагъли хязлис ахлен къалли идбагунни саблин адамти бурхъути.

Илдир цархилти адамти къяйда къацли букутири, базуртачи башутири хязатбикибси секлал асес. Амма илди гядатла адамтазибад декларбулхъахъути лишанти илдала хял-тлабигъатлизир ва адаб-хияялизир дирутири. Мухаммад идбагла ﷺ гяхити хял-тлабигъатра илизирти черяхити адаб-хияяра нушаб гибратли детаес гягнити сари. Нушала гямура къибламали детаес гягнити сари илди.

Хурматла газета бучланти, хиушаб гъанмабикаб хиуша нуни селичи-биалра бурсидарес рирар или, нура бахъал цархилтигъуна Аллагъла лагъ сарра, селизиралра нура хиушазирад декларбулхъули хлерургус. Амма даширая нуша-алавси дунъя сегъуна бетаурлил хлердилзехлену, илизир нуша чихъали саррал пикридулхъехлену, нушала

биштлаци Дагъистайзир нуша секъяйда хлердирулрал хлердилзехлену. Нушани дахъал секлал чедаес дирехле...

Анасли бурусири: «Аллагъла Расулли ﷺ сегъуналра анцбукъллизир вайти гъай дурусил ахленри, чичилра лягнатбуршуси ахленри, чисалра виргуси ахленри, чис-биалра гяйиб бирухлелера ил ишкъяйда виклусири: **«Илис се бетаурли? Сунела андаличи хяса кадиъ, сай хатлаиркули виъни багъахъес»** (Бухари). Ишбархли сегъуна саби гъатли аги? Ишбархли бахъалгъунти адамтала, студентунала ва школьникунала гъайличи лехлахъалли, лайикъагарти ва вайти дурнила шайчив чи гъалаулхъанал багъес къасличил дурабурклуси жал бетур-

агарси секъайзиб жагъал камбируси ахлен» (Муслим). Чисалра дигъанси ахлен, ишбархли гъамти тухумти адамти булан цалис ца душманти бетарули биъни. Гъар бархли нушани гячихъли чебиулра, секъяйдали адамти цаличибад ца гъарахъбиркулил. Цаличи ца гъимбуркулил. Ишбархли адамтас дурхъадешуни булан дарсдиубли сари. Хъалибарглизиб булан дурхнас гяхиси бяркъ бедлугули ахлен, дурхнира халатани хъям-къацбиклахъес руркълули саби. Базарла дурхъадешуначи хъарихъули дурхнас бяркъ бедес аварали биркълули саби. Аллагъли чебаахъибси гъуйчибад башули ахлен. Хядисуназиб нушаб ил саркъахъили гъаргирули биаллира.



Ас-Салам фото

хули саби или гъанбикесли саби. Къакъализиб гъайбикълхеле адамти цалис ца бургълули саби, ил бирес асубируси хлебиъниличил пикрибулхъули ахлен. Секъяйдали жагали бирарал нуша Къудратла Вегили дархъибти мезличил гъайдикълхеле, асудирути дугъбицун пайдаладирули. Илхеле нуша цакъадаралра нушала Идбагличи ﷺ мешудикес далдилзула.

Аллагълис дигуси Идбагла ﷺ лерилра гямура адамтас гяхити насихъатунни дурули ардякъунтири. Илди дурахъес сайри адамтачи ил вархъибсира. Илала гъарил девли бархъдеш бихусири. Илала баркъудлуми умутти сарри ва гядатлати сарри. Амма нушаб секъяйдали къиянни сабил, Аллагъла гяхидешуначила хъумартурли, Ил разивиахъесли ва нушачи къабулли калахъесли вяхдиклес!

Идбаг ﷺ Гяйшази виклусири: **«Хлед малхямси ризс чебиркур, къаркъдеш дакълхледирес ва далхледикибти хледурес балес чебиркур, сенкълун малхямдешли гъар секлал жагадирути сари ва сунезиб малхямдеш**

Адамти бархиличи бархли гъими-чебти бетарули саби, къаркъдешличил декларбулхъули саби, адамтала дял булан гъимили дицили чедиули сари, адам сунела нафсла таманси арилиу виркули сай. Ишбархли шагъарла къакъализив разили пишяхъили ватихъибси адам рахлира чеес вирули ахлен. Мисалтагир гъарахъ дашес хязатдеш агара—нушала жагълитачи хлеръалли баибси саби. Нуша гъаман бикърумилли детарулра къакъурбазир кадиркути къалмакъарла, жагълити цаличи ца жанивартиван чебулхъули саби, хункла бирхъули саби. Палтар гъардердрили сари. Къаршикарти хили башули саби, амма къалмакъар даимдирули саби. Илдачи къалли нуша Идбагли ﷺ ахленра бурсидарибти. Ил виклусири: **«Чи сунечивад сай чедивикес виаллира, сунезибси гъимилчивад чедивикес виаллира, ил бахъличивад чедивикес вирусилчивадра чедикур»** (Бухари).

Ва нуша бархиличи бархли тамашадирулра, нушала жагълитазир

СИЯХ

Ну Идбаг сайра
Аллагъли лебилра
адамтачи
вархъибси

Набчила
Идбагличила ﷺ
хабурти дуреная

илдигъунти жанивардеш чинарал акълуб-тил багъес хледирули. Нушала Идбагли ﷺ нушала хала бегити Къудратла Веги разивиести ва илис къабулдикести баркъудлуми дурадурклахъесцун руркълутири. Илкъяйда махикълусири. Дин хиясисе вегла узилчи някъ ахъхлебурцахъес махикълусири. Ил гясирусири Къудратла Вегили чебаахъибси гъуйчибад хлебашутачицун, Аллагъла душмантацицун гъимуркълусири. Ишбархли чичил-биалра къалмакъарлизи ихъути хамдешлис лагъдеш дирутас гъанбиркули саби илдигъунти къалмакъарличил чула асилдеш далтахъула или. Илдани гъарли-мартти кабизалачебдеш сегъунти дирутилра балули ахлен. Къудратла Веги багъандан къаркъси девличивад чевурхусили сай бусурман ветарули виъни иргъу. Аллагъла Расулла ﷺ сунналичи чекай-зурсини сунела асилдеш ца хлерлицун датахъес вирар, Идбагличи ﷺ дигили бицибси хлерличил илини сунела асилдеш далтахъу.

Хъунул адамтачила Идбаг ﷺ виклусири: **«Чила дин лебли биаллира, ил гяхисе сари ва марси сари»**. Амма сецад хлейгеси биаллира бахъал хъунул адамтани дин хъумартурли саби. Илдани Аллагъ гъаниркахъули ахлен, уреси детахъахъили саби. Илди лерилра къиликълун мурталра дарх дирутири, цаличил ца уржили дархдаси дирутири. Уреси детахъибхлели, динра бетихъуси саби. Лерилра нушаб гибратунили биес гягнитачи саби Фатимара Гяйшара—Идбагла ﷺ рурсира хъунулра. Илди умутти, хялалти, динничил чекабизурти бирутири, хъалибарглис селра ахлерабируси ахленри илдани. Ахленри, сенкълун илди нушала Идбагла ﷺ мякълаб бирутири. Марлирагу, сунени сунела хлурмат хлебируси хъунул адамла цархилтаннира хлурмат хлебиру. Сари неш риъниличила, рузи риъниличила, хъунул риъниличила, анкъила ванадеш бихъан риъниличила хъумартес мурталра асубируси ахлен.

Чисалра дигъанси ахлен, секъяйдали хлерикълусирил нушала Идбаг ﷺ хъунул адамличил. Секъяйдали дигахъил илис сунела хъунри, секъяйдали халаси хлурмат бирил илини илдала! Ишбархли биалли мурул адамли хъунул адамличил някъ ахъбуцес селизилра бирули ахлен, илис децлагахъес, илала цахдеш мобилниклизибси камераличил касес гела витикълули ахлен, глур илдигъунти суратуни лебилра шагъарлизир тинтларес булан хяздури сай. Саби рурсибра гяйибла бегити саби илдигъунти анцбукълуни кадиркнилис, сенкълун илдани чула баркъудлумачилра бухъя-зегъаличилра дурхли чули илкъяйда хлербиклахъес ва гъамбирахъес гъуни бедлугули саби.

Аллагъла Расулли ﷺ илкъяйдали бурусири, чула бегитала хлурмат бирутас алжанала унза гъаргли дирути сари или. » 4

Идбагла букьурдеш

3 « Бегти разиагарли кавлахъу-тас—жагъаннабла. Гъаман нушани илди разибирулрав? Илди мяхкамбирулрав яра къайгъили алавбурцулрав? Нуша Ванзаличиб алжан баргес умцлес даимдиублира, дахъал арц диалли илра бирар или гъанбиркули. Алжана биалли нушала нешанала къяшмала удиб саби. Илкъяйда бурили саби хядислизиб. Нушала алжан баргес ахир агарти умцлабас ил жаваб ахлену? Вегла бегти разили пишбяхъили чебиухъели, нуша алжанализирван дирули ахленрав? Нушала бегтани саригу нушазир нушала дурхначира дигила пикруми кадиъибти.

Къуръаннизибра нуша аклахъубси дурхъаси Аллагъли нуша даркъибси ва адикъурси нешлис разидеш бихахъес хъарбирули сай къалли. Камси гъалабван республикала телевидениела каналтала цализиб чебиахъули Мяхлякъъалализибти цунти бухънабас хасбарибси юртлис багъишлабарибси передача чебаахъиб. Илаб халати урши-рурси лебти дагъистанлантира хлербирули буилри. Илди цунти адамти буили ахленри, илаб сабли уббухъи хъалли. Халати дурхначира бухънаба-ибти ва арадешлизибад нукъсанбикибти чула бегтаци хлербизес замана имкантира агарли дуили сари. Нушара бусурмантира сарра биклүти адамтани илкъяйда буили саби Аллагъла хъарбаркъ таманбируси! Нушала Идбагла ❦ сунна таманбируси!

Инсаниятла тарихлизиб цабехл адамти чула гъабзадешличил машгъурбиуб, цархилти сахаватдешличил, хлябъибти—малхлямдешличил, авъибти—бархъдешличил, шуибти—гякълуличил. Амма илди лебталалра лерилра гялти къиликъуни лерри диклес дирули ахленра. Чянкъли Мухаммад идбагла ❦ лертири хлял-тлабигъятла ва адаб-хляла беглара гялти къиликъуни, ил лебилра адамтас гьибратли ветаур. Илинтира бурули саби ил Къудратла Вегли чеввикибси ва дигахъуси виъниличила. «Бусурман» ибси девли булан «Аллагълис мутигъиси» саби иргъахъуси. Ил Аллагъли сунела лугърачи барибси халаси урклеци саби.

Къуръаннизиб бурили саби Аллагъли Мухаммад идбагла бегла гьегъиси Идбагла сайлин вархъибси сай или. Лерилра мусни-зубри дерцахъес багъандан сай ил вархъибсира. Нушала динна хълчи сарливан адаб-хляла нушаб васият-дарибтири ва букьурли даахъибтири нушачи. Илди нушала гямрула бетуцли детаэс гялгъити сари.

Къудратла Веги Аллагъли икъалавиаб нушаб адаб-хляла дегти детаахъес, Илинти мяхкамдараба нуша жагъаннабла цализирад, нушала бунагъхатлаличивад чевверхаб. Нушала Идбагла ❦ чебаахъибси гъуйчирад дашес хлебални багъандан урклеци-бараб.

Нуша нушала умматлици лайикъитили детаахъес Аллагъли икъалавиаб. Амин.

ДИН ВА НУША



Яхъя-хляжи МУХАММАДОВ
журналист

yaxya-m@mail.ru

Замунтира гядатунира

1 « Бухъанси замана вагъабизмала идеологияла шайзибадси урехиличила бурути динна гялимтачи лехлихъули ахленри, ил идеологияли бируси заралла къадуртачилара

дибхели, анцбукъ сегъуна даражачи бетикес бирарал пикридухъена. Дин гъарахъбарни—ил жамигъятлици бяхичиабси мусибат саби.

Нушала жамигъят бехъес балби-



Ас-Салам фото

пикрибулхъули ахленри. Ил гъалабяхл башнили аллахъуси урехиличилара багъурхъели сабри пикри цакъадар барсбиубси. Динна агълу бахълизи мягъни-хлял далахъути гялгъинахълумазибад гъар тяхярли балтлули калун. Халкъли динна агълу гьобурцули ахлен ибси пикри аклахъес дахъал авара дариб, хлятта бусурмантани динна агълула хлурмат бирули биалра ва халкъли динничигъуни гъаргъибубли дигукъира. Нушала дурхъаси Идбагла ❦ гъуйчибад башутас диргалабухъес ва илди Аллагъла гъуйчибад чеббал-клахъес аварали биркъути хасмушунли лебли уббухъун. Ислам жяргабарес къасличил тарикъатла шуйхрачи чебулхъули калун. Сайид-Мухаммад-хляжи Абубакаров ва Курамухаммад-хляжи Рамазанов хиллакартани ряхл-муагарли кабушиб. Бусурмантала хлулбала гъалаб булан динничигъудара дамкъа кабатес аварали биркъути лебли саби. Бусурманти ахлентира Исламличигъаршили кабизахъес бузули саби.

Рухля шайчирти пасатдеш

Нушачи жамигъят рухля шайчиб, адаб-хляла шайчиб пасатдешличил аркуси Западла идеологияла къядурти чекадилгъули сари. Сецад хлейгеси биаллира, ил идеология нушани къабулра бирули дуилра. Ишбархила гямру—илди уреси, адаб-хляла, яхл-намус агарти гямру детаурли сари. Динна хлурмат бирули ахлен. Ил агархели адамтара цали итилла хлурмат бирес балули ахлен. Адамтазирти адамдеш дуб-дубли детихъули сари. Нушала хала бегтани дузахъули калунти гядатуназирад гелумдилзулра, дурхъадешуни багъагардирули сари.

Жамигъят диннизибад къякабер-

зуртани чула вайси бузери селичибад бехлбирхъули? И дашдусла бухнаб Исламли адамлисра жамигъятлисра гялхдешуницун дихули биъни чебаахъиб, диннизиб жамигъятлис зарал барес бируси селра агара. Исламлизир адамлис гялти дахъал секлал лер. Ишбархли гилмула шайчирти сархибдешунани ил секлал марбирули саби.

Хиджаб—инсаният гъалабяхл башнилис заралласив?

Гьегъиси замана Исламла къаршикартани гъар тяхярли хъунул адамли хиджаб бихнили, цархилван буралли, илини сунела къаркъала гъаргли хлехбихнили экономикала ва техникала шайчибси гъалабяхл аръякъундешлис зарал бирули саби или бурули саби. Ил бихути культурала шайчиб гелакабухъунтази халбирули саби. Хъунул адамтала ихтиюрти дялчниллизи халбирути булан къаршибиркули саби. Хъунул адам чянкъуратес балбизурси жамигъятлис гъалабяхл аръякъунси виклес вирару? Хъунул адам гъаргли ва хиджаб агарли рашнили халаси зарал бирули саби. Ил, цаибилгъуна, хъалибаргълис ва жамигъятлис заралласи сабли уббулхъули саби. Гъаргли рашуси хъунул адамли сунени сунелара хлурмат бирули ахлен. Илалара бирули ахлен. Гъаргси хъунул адам деклар-декларти хиллуртала къурбан ретарули сари. Иличи къакъализиб бехлбилзули саби, хлербиклули саби. Кункти хлял-тлабигъятла хъунул адамлизигъалрирули саби. Хъунул адамти гъаргли башнили жамигъятла духлар пасатдеш тинтдирахъули сари. Исламлис гъалабси манзиллизибалра нушала хъунул адамти ишбархилван чянкъули башути ахленри. Илкъяйда,

СИЯХ

Бусурмантазивад
илала дин
саркъибси
саби—чила хлял-
тлабигъят гялхити
диаллира

ахлerti бусурманти, нуша бусурман-дешлизирад—диннизирад мяхлурма-рес балбизурли саби. Исламли хъунул адамлис ряхлра бекл някъбира ахли гъаргдирахъес асубирахъули ахлен. Цархил къяйда рашалли, илис бунагъбиуси саби. Хъунул адамла гъамтас беглара чекасес гядабси бунагъ ил харабатдеш дирни саби. Ил бетуцлизиб хлербирути адамти къехлбадешла излумазира биркули бирар. Хъунул адам наслу даимбарес ахъри агарси ретаэсра асубирар. Магъарлизив а хли аклүбси дурхляла бегти чини кабилзахъути? Виштлал чили къайгъили ала-вурцуси? Дахъал суалти алкүти сари илхели. Вегла тухумтачилти бархбасуни булан къябдердес дирули сари. Илгъуна дурхляла неш чили гьеррурцуси? Чини ралтахъуси? Илхели нушачирра бусурмантала ахленти пачалихъуназиртигъунти аги-къяйда кадилзан. Дурхначира хълри лайбакибти дурхл-на дирцур. Такъсирти дирнилизивад илхели адам сели мяхкамуру? Бегти агарли халабаибти дурхначи тухумдеш хледала, гялхиси бяркъра илдас бедеси атхлейхур. Гъайла къантла, илхели адамти хлявантачи мешути бетарар. Нушала хъунул адамтира лебтанилра пайдалабарес бирути бетарар, хляз-хлузлис пайдалабирутачи шурбулхъан. Анцбукъ белгиси заманала гьегъи неш, рузи, рурси бетахъниличигъ бетиркур...

Къас-къасли Ислам агарбирни

Имам Шамилла заманаличибад бехлбихъили, нушачиб Исламра бусурмантира къирбирниличигъ бяхичи-абси политика дурабурклули саби. Коммунистунала замана бурес агарли бахъал Аллагъла гъуйчи каби-зурти Исламла гилмурти делчунти дагъистанланти къирбарибтири. Дин бузахъес къадагъабарибсири. Итхели дурхначи Исламличил дархдасунти секлайзибад гъарахъли бихлүтири. СССР пашбехъубли гьегъира илгъуна политика дурабурклес даимбиубли саби. Шолабазирра институназирра атеизмала хълчни сари руркъахъути. Телевизорлизирад пасатдеш сари тинтдирути, хъалибаргъличил варх ахлену, вегъун кайилира хлериэс хлейэсти программаби чедиахъули сари. Гъала-гъала чедиахъути сериалтазир илдицад пасатдеш аги. Жамигъят лайикъагартисеклайчи хлербиклахъес бурсибирули саби, глур илкъяйда хлербирахъесра бурсибиру. Экранничигъ байбиклүти чехлебиахъути замунтира дири, гъанна биалли чехлебиахъуси селра агара. Сен ил бирули? Нушала жагъилтас илди чедиахъули гялхидеш бирув? Жагъилти илдазибад гямрула пасатси бетуцличигъ бурсибирули саби. Нушани ил секлалра нушала хлулбала гъалаб чебиулла. ➤ 5

1 « Жагьилти бегтаци лехлехъ-ути, илдала хурмат хебирути бетарули саби. Илдани ишбархли цаличи дигай дирхъули саби, жягял— цархилличи. Нуша гьар секлайзирад «азадти» детарулар. Илгъуна азаддешли чебаая нушала къакъурбазибти хьунул адамти сегъуна куцличичи бети-кахъилил.

Хьунул адамличи хлеруди

Сегъуна-дигара хянчиличив, адамти хлербуси мерличив низам-къяй-да гьердурцуси адам, бекі, начальник визэ гягниси сай. Гьарил хьалибарг хляжатти секлайчил гьебурцуси, илис гъуни чебиахъуси ва ил балтахъуси адамра визэ гягниси сай. Кьаркъара дагьрилара шайчирти имканти хисаб-лизи касили, Кьудратла ВеГли хьалибарглис бекідеш дирахъес муруйчи хьарбарили сай. Хьунул адам назикси риъни пикрилизи касили, Аллагъли ил иш дуньяличирра итил дуньяличирра талихлечерли риахъес икъала-диэсти тяхяр-къяйда пикридарили сай. Исламли мурул адамлизибад тлалаббинули саби хьалибарг хляжатти лерилра секлайчил гьебурцахъес, ил—илала чебла саби. Илини саби хьалибарг абилкъуси, хурегличил, палтар-къяшличил ва цархилличи секлайчил гьебурцуси.

Сунела хьунула дурхнира илдас зараллати секлайзибад мяхкамбирусира ил сай. Муруй адаблалашара беклахъудилалашара хьалибарг гьебурцуси саби. Ислам хьасибли мурул адамли сунела нешла хурмат дудешлайчиб хляйнали имцали бирес гягниси саби. Ил нешличиван гьамирес гягниси сай нешла рузичира. Илини хьубеш нешлара хурматбирес ва къайгъили алавурцес чебси саби. Мурул адамлизиб ихтияр лебси ахлен сунела хьунуличив зулмурта виркъес, илала хурмат хебирес. Муруйра, хьунуй сунелаван, илалара хурматбирес чебси саби.

Исламлизир хьунул адамра черяхли чериули сари ва ахъли къиматла рирули сари. Исламли хьунул адам вайтла чериули сари биклутачи вирхес асухлебирар, сенклун илди мурхъли хаттабиркули саби. Хьунул адамла хурмат булбути секлал сари Западлизир иличи чекадилгъути лерилра секлал. Нушала хьунул адматчира илдани Западла къиматуни чекадигъес дигули саби.

Илаб хьунул адматни лерилра секлайзибад «азадбиэс» балбизурли саби: диннизибад, бегтацибад, урезиллизибад, хьалибарглизибад, адматличи далдикибти лерилра секлайзибад мяхрумбирули саби илди.

Илаб мурул адматни хьунул адматни гьамрула илгъуна бетуцличичи бяхлечиули саби.

Мурул адматала сукъурдеш

Нушала мурул адматни халисдеш се сарил хьумартурли саби, саби хляйванти хебиъни хьумартурли саби, Аллагъличибад гьарахъикили саби, илдани чучи хьарти секлал ва чула чеблума хьумартурли саби. Хьалибаргла гьалар чучи хьардиркути жавабкардешличила балули ахлен. Илдани чула хьунурира, рузбира, рурсбира пасатдешлизибад мяхкамбирес гягнитичи биъниличила хьумартурли саби.

Мурул адматасра гьаврат гьаргли башес цахбилзес гягниси саби. Амма бахъли иличила хьумартурли саби.

Ишбархли нушани пикри бяхлечиули ахленра нушала хьунул адматни байхъу чянклули башули биъниличичи, нушала жагьилти илцадра пасадти бетаурли саби, хлятта цархилличи хлербиклахъули, дигайла хиллимайтази ихъули саби. Хьунул адматнира мурул адматнира халаси замана итил жинсла адматчичила гьайбикнилис харжбирули саби. Чус гьамрулизир детаурти илдигъунти анцбукъуначила даклу-гьаргли гьайбиклули саби, сенклун уреси детахъили сари.

Нушани ахли, гьур чини...

Нушала дурхнас бяркъ бедлугнилизир нуша хледузахлелли, гьур чи



Фото «Ас-Салам»

узара? Нушала дин хлебузахъахлелли, дурхнира илала хурмат бирахъес бурсихлебирахлелли, нушала дин убабиркур, иш дуньялизибсирра ахиратлизибсирра нушала талихл бетихъур, нушани нушаб танбихл барибтили урдулхъехле ахиратлизир. Нушала дурхнала къисмат сегъуна бираралра нушазибад саби дигахъуси.

Авараагардеш мадиридая, черсаргъая, нушала ряхиму-урклецила дин саби. Алагъла гьуйчи кадизирая, илала Идбагла сунналичи чекадизирая—илхелли хлуша талихлчерли хлердиэс дирудая.

Нуша сецадла Исламлизирад гьарахъдиркули диахлеллира, илцадла вайдешличичи гьамдирулар. Илхелли нуша адаб-хляязлизирад гьарахъдиркулра, сьайбирули саби нушала рухла дунья. Хьуммартидая нуша Аллагъла гьалар нуша багъанданра, нушала хьалибарг багъанданра, цахнабли жамигъят багъанданра жавабкардеш диханти сарра. Нушала баркъудлуми багъандан нушани жавабкардеш дихути сари Къиямалла бархли.

Даширая цахнарти цакъаначил нушабра жамигъятлисра берцуди бирахъехлену. Нушала хала бегтани бузахъули калунси динра илдала гьядатунира дузахъес даимдирехле. Нушани ца минутлисалра Дагъистан ислам агарли сегъуна бирарал пикрилизи касес дирули ахленра. Исламли халкъани ва миллатуни дархдирхъули сари, илдала ургаб баришдеш гьебурцули саби, даршдусмазиб илкьяйда сабри. Ишбархлира Дагъистайсра лебилра дуньялисра берцуди—Исламлизир саби. Нушаб иличила аргъес чебиркур.

ИСЛАМ

Динна дарс бирар

1 « «Рухла-адабла шайчибси культура» школализир чеблибулбис предметли бирар, сенклун ил школализир белчудила программализи каберхахъурли бирар. Ил предмет 2-ибил класслизибад бехлехъили 11 ибил класслизи бикайчи руркъяхъу, жумягъла духнар клел дарс дирар, илдацир дурхнази чедир гьандушибти авалра дина хьулчичи руркъяхъути сари.

Багъудила ва гилмура Министерстволу иш дусла ахирличи бикайчи ил предмет хьасибти багъуддумала пачалихъли белгбарис стандарти кабизахъурли бирар. Илхелли белгбидар ил предметла дурсри сегъунти журабазир (лекцияби, хьязани, экскурсияби) дурадурклули дирарал. Теория руркънила, зачетунала, семинартала низам белгбидура ва багъуддумала даража ахтардидирнила тяхяр кабилзахъу.

Пачалихъла стандарт балкъарахънилизир бузес бехлехъили саби Россияла багъудила Академия. Ил баркъудлизир жигарла бутлакьандеш дирули саби чедир гьандушибти динанала вакилтанира. Исламла шайзивад ил стандарт балкъарахънилизир узули сай Москваллизир исламла университетла ректор Марат Муртазин, иудейтала шайзивад—Россиялизирти жугъутлунала дина организациябала Конгрессла председатели Зиновий Коган.

Динанала вакилтала пикри хисаб-лизи касили бирар ил предметла учебник балкъарахъухлеллира. Сагаси предмет балгнира гьядатунира руркъниличиблицун таманхлебирар. Дурхнази ил предметла дурсрачир балгни уркличир хлеруркъяхъу. Я Кьуръайзибадра цархилличи жузазибадра хлебуцахъу, бурули сари РФ-ла багъудила ва гилмула министерстволу отдела начальник Татьяна Петровани.

Пачалихъли ил предметла шайчичи кабизахъурси стандартличичи хьарихъули, улкала регионтазир мерличир багъуди кайсахънила шайчирти программаби хлядурдирути сари. Дурхнанира илдала бегтанира чеббирклули саби чидил дин руркъялли гьахлсил. Гьарил класс подгруппабачи бутлили бирар, гьарилла сунела программа учителира бирар.

Дурхнира илдала бегтира чидибилла ца динна дурсрачичи тлашбизес къабулбиркули хлебилли, дурхяли илхелли дин руркънила шайчибси цахнабси курс руркъуси саби ва этикаличичи веГбуси сай.

Авалра дин руркъниличиблицун анцбукъ таманбуси ахлен. Динна цархилличи бяхлечибузунала саби бегти программаби далкъаахъес ибси пикри аклуси анцбукълизиб, илдира гьеббуцили бирар. Северла халкъанала динна шайчирти тяхяр-къяйда булан илдала лугилилизир диэс дирар.

Рухла-адабла шайчибси культурала программаби хлядурдирухлели гьанналаубал цацадехл регионтазиб ил шайчичи цалабахъибси опыт пай-

далабарили бирар. Гьанналаубал цацабехли чула сипталичил школа-базиб дин руркънила шайчибси программа хьасибли бузери тлашбатурли саби. «Провославиела хьулчичи» биклуси предмет гьаннал 15 регионнизиб руркъули саби. Илдигъунтазир сари Калугала, Брянскла, Смоленскла ва цархилличи областуни. Амма Северла халкъананира чула динани руркънилис хасдарибти программаби далкъаахъес бирар.

Европализир ил шайчичи белгисичи опыт цалабахъили саби—илаб улкализиб имцали тинтбулбис динна хьулчичи руркъниличичи имцали пикри бяхлечиули саби.

Масала, Даниялизир ва Норвегиялизир лютерантала дин руркъяхъули саби. Грециялизир—провославие, Литвализиб—католицизм. Англиялизир, Белгиялизир, Испаниялизир христианство руркъяниличичи имцали пикри бяхлечиули биаллира, цархилличи динанира руркъяхъули сари. Дина шайчибси багъуди кайсахънила бузери чинабалрайчичи ункъли гьунчибушили саби Финляндиялизир:



Фото «Ас-Салам»

илав гьарил адматлизи сунела дин руркъяхъули саби.

Сагаси предмет программализи кабурахънили Россиялизир челукути масъултира алклахъули сари—динна хьулчичи руркъяхъути специалистуни биули ахлен. Дурсрикун маллубанира кашисунанира ахлен кадирхъес гьагнитичи, динани руркъяхъути учители хляжатли саби. Динна шайчирти лекцияби дучлес бирар теологияла факультетуни тамандарибти, дин руркънила факультетуни тамандарибти специалистунани. Илди дурсри кадирхъахъес учители чехлядурбирути курсанира абхъили дирар.

Гьаннал илдигъунти специалистуни хлядурбирути курсани абхъили сари педагогуни хлядурбирути вузаназир. Россиялизирти 40 вузлизиб 3 азир студентли «Теология» руркъули саби.


Касибти багъуддуми секъяйда къиматла дирутил гьачамлис белгичи ахлен. Багъудила ва гилмула министрстволузиб биалли «зачет» - «незачет» вариантличичи гьайбиклули саби.

СИЯХ

Хлушазивад чила веГла узис гьахлеш барес имкан лебли биаллира, иличи чебиркур ил гьахлеш бирес

САГАСИ ЖУЗ БУЧИУМИ

1 «



Сенахенну Чевяхиси Аллагъли лагъла тавбу къабулдарибхели, дьвчкарти сунела урклецила хазнубазибад разикабиру. Эй тавбу дарибси, глбадат бируси адам, ху чекайзи хела гямрула калунти гьигъани тлагъатлизир ардукъяхъниличи, хела зягипдешличилара чеветхелибдешличира мукурра ваклили, хулбукибтазивад ветаэс асубирарну. Аллагъли ихдаци кайзни ризкъи баралли, Чевяхиси Аллагълис ил багъандан шукрура дезара дара! Сенахенну ил тавфикъла гяламатуназибад саби.

Ху бунагъли чарухъадли, хечи лайкъли бирар, тавбулич чарухъни. Гъар тавбу дехъни тикрарбиубхели, тавбулич чарухънира тикрарбирен. Кинейсалра илди къабулдирнилизибад хул мавдахъид, сенахенну тавбула унза абхьибти сари я глехейкы Берхи саби глелабиркнабад гъабаклайчи. Хлебиалли хед лайкъли

КИИБИЛ БЕКИ

Хуни багъи! Адам черяхъти хязратунази гъамхейрар я Аллагъла дигъандешуни илини чехледу, сунела къаркъала хйавантала сипатуназибад умубарили ахенси. Сунени Аллагъу тагъялала тлагъатуначили тлагъат буцалли ахенси. Ил багъандан Расуллагълира (с.г. в.с.) иб: «Хушани тлагъат буца Аллагъу тагъялала тлагъатличили. Цалисалра имканхелибкыр, сунела къаркъала хйава сипатуназибад умубарес супнала тарикъатлизи керхалли ахенси, ил саби тлагъат умубирнила гъунира».

Вайти тлагъатуназирад сари Аллагъла гъуйчи кайзахъес диргаладулхути. Илдигъунти сари: **ХИКЪД** — ил чархлизи дигъанбикибси даимси гъими саби. Ил аркъяхъуси дарманра сунес зарал бирули биъни багъни саби, сенахенну сай гъимила цаличив дугелира херелера гъабуркули виъни багъандан. Сунечи гъимукибсиллизиб гъахидеш ахенси чехлебиънира саби.

Илгъуна саби **ХИСАДДЕШ** — илра сунес имцали биубли, цархиллизибад арбъки дигули виъни саби. Ил аркъяхъуси дарманра сунени багъни саби хйасаддешли сунес гъахидеш хлехни яра цараллис зарал хлебирни. Иличи че, хйасадкардеш лерси адам мурталра анцкъилира децлира вицли виар. Сай хйасаддиубси адамлис вайдешра барес хлейрар.

«Гияхити адабти»

хлебирар илди къабулдирнилизибад хул бердахъни, сенахенну гъар заманалис сунезиб къадарбарисиб лебси саби. Аллагъра «субхянагъу ва тагъяла» тавбу дарибсиллизивад чевкархули чеварякъи ахен.

Хйадислизибра бурили саби иличила. «Хйабиб бину Хйарисли, Аллагъ разивиабну сунечи, Идбаглизи (с.г. в.с.) или сай: «Я Аллагъла Расул, нуни дахъал бунагъуни дирулра». Идбагли (с.г. в.с.) илизи иб: «Аллагълизи тавбудара». Хйабиб виклар: «Тавбадирулрагу, амма гурра бунагъли чаркалхулра». Идбагли иб: «Гъар бунагъ барибхели, тавбу дирен». «Дила банагъуни имцлакадиклули диалли се бариша?» Идбаг виклар: «Хела бунагъуначиб Аллагъла чевверхни имцаси саби».

Муса идбагла (г.с.) замана ца тавбулич кахелзуси адам леври биклар. Илини тавбу дирули уили сай, амама гурра делхъули уили сай. Гъал дусалра илдигъунти аварализив кали сай. Ил багъандан Чевяхиси Аллагъли Мусачи (г.с.) вахъю бархъиб, дила лагълизи ну хечи гъимуклири или бура или. Хела гъасидешличивад ну чевхерхусра или, хуни дила гъязаб чейсидра или. Мусани (г.с.) иличи бархъибси вахъю баахъиб, илхели ил адам пашманиуб, илала уркилизир ца адалкун. Авлахъли арякъи, заклизибхл беклра ахъбуцили, иб: «Я дила Аллагъ. Иш се хабар саби? Хела урклецила хазнурби керхурлив? Яра дила бунагъли хед зарал бариллив? Яра хела гъафлуличиб чедикабухъив? Хела гъафлуличиб халаси чиди бунагъ кабикиба хела лагълизибад,

хлечивад чевхерхус эсли!? Секъяйда чевхерхусири хела сахаватдеш гъаларал лерти сифатуназибад биали, дила сифат хела сифатличибра халабаибу гъати? Хлебаиб. Илгъуна бетхлеур. Тиладибиклутас хела унза абхьибти сари. Хела гъафлулич хулра лебси саби. Хела урклецилизи-



Ас-Салям фото

бад хул бердахъадли, чила унзаличи аркъусив хела лагъ? Ва дила Аллагъ, хела урклецира кабурули биали, ну гъязабхерклили гъамалра агара биали, набчи чедихъа лерилра шагъуртазибти хела лугътала лерилра бунагъуни, илдала мерличив ну цализи вигъахъес. Илхели Аллагъу тагъялани иб: «Муса (г.с.) арукъанну илизи бура хела бунагъуни муснира зубрира дицлахъибти диаллира, ну хлечивад чевкерхурра, хйажатбикибхели ху гъаюхънила жагадеш багъандан или.

Ца мурид левли сай, тавбударили глергъи зягипкайкибси, ца бархи

СИЯХ

Къиямалла
бархи гъарил дев
багъандан жаваб
талаббируси
саби

ил пикриухъи сай, кинайсра тавбули кайзалли сунела хлукму сен-сен бирара, къабулдаресара или. Илхели ца гъатифли тламадарили саби: «Эй, пулан адам, ху нушаб мутлигъакири, нушани хед шукрубарира гур хуни нуша дархъдатурра. Нушани мугълатдеш гира. Нушачи чарухъадли, гурра къабулкайрури. Илхели ил гъабза сунела къаслич чарухъун, берзра берзахъиб. **Агъдаллагъу тагъяла биманнигъи ва карамигъи иннагъу гъува ттавбу ррэхлим.**

Хуни иш секла багъурхели, хела къаркъайчи бархъдешлара урклецилара хуйчибли херъадли чебиид, ху тавбулич хйажатли виъни беркайчира, бердакчира, хъаличичира хйажатли виъниличив имцали. Сенахенну бунагъуни тлашдизурли сари хелара лебил дигуталара урга. Ху чарварилри гъархътачи гъаввикнилизивадли. Или биубхели ху чекайзи уркиличирад илди бунагъуни ахъдуцниличи умути тавбуличирли Аллагъу тагъялалачи ваили, пайдалавиэс багъандан, сунела жагадешли гъавваклес багъанданра. Хуни багъра хлебагъурли ху Аллагъу тагъялалачи виъхейуд тавбуличивли ахенси. Сенахенну тарикъатлизи керхнила мурад Аллагъу тагъялалачи ваъни саби, илра хйасулхелибирар тавбуличили ахенси. Ил багъандан сари нуни духъандарибти тавбуличила гъайалара.

Къаркъала вайти тлагъатуназибад умубарили, гапла тлагъатуначили жагабирниличила

Илгъуна саби **ГЪАЗБУ** — илра гъими ахъни талаббирли къаркъала къалабабикнила цакъдеш саби. Ил аркъяхъуси дарман саби, сунени багъни саби гъасидеш пасаддешла бехлбихъуд биъни, халкъла вайтани ахенси сунечили тлагъат хлебуцули биънира, сунела ахирра шишимтира пашмандешра диънира, сунени бунагъуначира чеввалкниличира вархъули виънира.

Илгъуна саби **ГЪУЖБУ** — илра гъабзалис сай имцали камилдешлич хаслира или гъанбиркни саби, къаркъай сунела гъамал халали бейгънира саби. Ил аркъяхъуси дарманра саби сунени халбарни саби сунела нафсла (къаркъа) убъахидешра, тлагъатла вайдешра, сунени багънира саби сай нукъсандешлизив виъни, халкъ сунечил лебилра шалубачиб дурхъали биъни аргъни саби.

Илгъуна саби **КИБРУ** — илра гъабзали сунезибси халадешра халбарил сай ахенсиличив халаурхни саби. Ил аркъяхъуси дарманра саби сунела къаркъайчи убъахли бейгъниличили ахенси херхелили, цархилли чевхъли вейгъниличили ахенсира херхельни саби. Къуръайзирра хйадисуназирад халадешла агълулич дарибти гъайибти гъандикахънира саби. Аллагъу тагъяла-

ла чебъахидешра халадешра гъандиркахънира саби, илди клелра Аллагъу тагъялалачи хасли диъни халбарнира саби.

Илдибадли саби **БУХЛУ** — ил пакъирдешлизивад урухкули мас берхахънилизивад тлашкайзни саби. Ил аркъяхъуси дарман саби мас берхахъни, илхели глбадатуналара Аллагълизибад урехилара гъахидеш балули, ил бегла дурхъаси биъни аргъни саби, сунечивли лагъ Аллагъли гъамирули виънира, халкълис дигусили ветарули виънира.

Вайти тлагъатуназибад саби **ТИАМГРА** — илра сай лайкъхейубкъи, цархилтазибадси гъахидешлич хуликни саби, хулли пайда лебхелули биъни, зарал имцлахелибирхули биънира, гъахидеш пайдалахелибурули биънира, урезила камдешра убъахидешра ахенси сунезирад лярхлякъули диъни саби. Аллагъли къадарбарисиб селра сабаб хлебиаллира сунечи биахъули биънира. Аллагъла къадар хлебарил азир хулличивли хуликлули виаллира сунечи хлебиули биъни саби.

Илдигъунтазибад саби **ХИРСРА** — илра канилара гъавратлара шагъват (хул) лебгел халабаъни саби. Ил аркъяхъуси дарман саби беркала кам-

барни, имцали дубурци, дурхъати хурегуни хледукни, зикрулич чекайзни, гъахитачилра шуйхрачилра кайрни саби.

Илдигъунти вайти тлагъатуназибад саби **БАТИАЛТРА** — илра клел хъалила талаббирнилизивад гелумизни саби. Ил аркъяхъуси дарман саби азгиндешла агълу мяхрумлира биргъабиргилира биъни гъанбиркахъни. Къайгъилара хйаракатлара агълуличил кайрнира, дунъа батуртачилра глбадат бирутачилра юлдашвикни саби.

Илдигъунтазибад саби **ЖУБИУРА** — илра гъалавикес чебси секлайзивад гелумизни саби. Ил аркъяхъуси дарман саби хунчадеш, лебил халкъли увъахварнила гъайиб бирнила сабаб аргъни. Ажалла замунти къадаркадарили глергъи мяхкамдешли сунес пайда хлехни сунени аргъни саби. Гъабзадеш мурул адмтала сипатлира баркъуддумала беглара дурхъаси журалира биъни аргъни саби.

Илдигъунтазибад саби **ДУНЪА ДИГНИ** — илра лерил масани цахнадяхъес хуликни саби. Ил аркъяхъуси дарман саби дунъа дигнилизибад имцаси гъахидеш хлебирни аргъни, ил лугуси Аллагъли биъни аргъни саби. Дунъа дигни хатлабала бек биъни аргънира саби.

» 7

СУАЛТИ ВА ЖАВАБТИ

Бучланта суалтас
Дагъиста исламла
университетла
преподаватель Писа
Мяхяммадовли
жавабти лугули сай



Ас-Салам фото

МЯХЯМ

Аллагъ
гяхлдешуни диган
сай—гяхлти
баркъудлуми
ахленси я селра
къабулхебиру

— Дила хъубеш нешли тлаб-бирули сари нушазибад сунела дурхналар рурсби суннатла-барахъес. Наб биалли ил барес дигули ахленра. Илдигъунти агикъяйда лизиб се баралли гяхлсира?

— Аклубтас илди гехлел бархли биубхелеи суннатлабарахъес маслигъатбируси саби, ил сунна саби. Рурсбира дурхлира ил луглилизиб биахъубли. Балугълабаибхелеи биалли ил барес чебсили бетаруси саби, цархилван буралли, ваджибли бетаруси саби.

«Шарх-уль-мафруз», бяхл 205.

— Аллагълизи ахленси гурра чизи-биалра тиладибирес асубирусив? Ил барни халаси бунагълизи халбирусив?

— Къудратла ВеГ Аллагълизи ахленсира тиладибирес асубируси саби ва ил бирахъес шаригъатли асубирахъуси саби, илис бикъридеш дирути луглилашала дахъал хядисунира лерти сари.

Идбагли Ꞥ иб: «Адамти агарси мерличиб хлушала хляйван бетяхъалли, хлуша тламали диркъеная: «Ва Аллагъла лугъри, ил тлашаая. Къудратла ВеГла гъарли-марли илис жаваб лугути лугъри лебти саби».

Илкъяйдали лебси саби хядис. Сунезибра ца сукъур адам Идбагличи Ꞥ балга барахъес дугъайзниличи-

ла буриси. Илис Идбагли Ꞥ жаваб бедиб ва гьегъисибалга барахъес маслигъатбариб:

«Ва Мухаммад Ꞥ, хлела уличил ну Къудратла ВеГ Аллагъличи дугъаилзулра...» Идбагличи гъамти адамтира илала уличил Аллагъличи дугъабилзутири.

Ишаб беклибиубси тиладибирисилис луглилизиб умут лебни саби, балга къабулбиранра Къудратла ВеГ Аллагъ сай, чила шайзибад тиладибирулил ахленну.

«Дурару саният», бяхл 32.

— Наб багъес дигахъира «вагъабизм» ибси девла мягъна дурусли баянбарилли чинаб баргес вилрал. Диннизибси ил бяхлибизличили тинтли багъес дигахъира, вагъабийонти цархилти бусурмантазибад селичибли декларбулхъутил багъес багъандан.

— «Вагъабизм» ибси девла мягъна сегъуна сабил ва диннизибси ил бяхлибизличили баянти даргес вилрал гьегъити жузазир: «Сягид-апанди аль-Чиркавила «Глибадатла багъудлумала хазна», «Курамухаммад-хляжи Рамазановла «Мяхкамли: вагъабизм!» ва «Вагъабизмала хатлаби», Л. Маевскаяла «Мяхкамли: терроризм»,

Хамперла «Англияла шпионни дурибти» биклути жузазир. «Гядатла терроризм» биклути видеодисканазибадра вилрал. «Вагъабизм—XX-ибил даршудсла къявга» биклусира илдигъунтазибад саби. Илди хлушани исламла тукентазир даргес дируда.

Даргес вилрал «Ас-саламла» сайтаначир интернетлизирра.

— Эгер мурул закон хлясибли туснакълизив виалли, илала хъуна магъар саби сабил белхъусив? Дурхналас алиментуни хлелугули виъни багъандан мурул туснакълизи катурли виалли, магъар саби-сабил белхъуси саби биклини бархъесив?

— Мурул туснакълизи кайили виъни багъандан магъар белхъуси ахлен. Магъар бехъубли бирар чянкли ил муруй бехъубли гьегъицун. Илини алиментуни лугули хлейалли, имамли илизи иргъахъу алиментуни (напакъа) лугес гягъисибъни.

Эгер илала гьегъира напакъа бедхлелугули виалли, илхлели имамлизиб ихтияр леб магъар бехъес.

«Фатхл-уль-муъмин»

Гапла тлабигъатунира лерти сари.

ИЛДАЗИРАД САРИ
6 « **ГИФФАТ** — ил веГла къаркъа сипат хляйвандешла сипатуназибад гъарахъбарни саби. Илгъуна тлабигъатличилиси адам Аллагъличи гъамирниличи умутчевли вилрал.

Илгъуна саби **ВАДДУ** — ил шагъват агарли ряхлмура уркелцира дирни саби. Ил тлабигъат буцибси чи виаллира, иршадла ва тарбиятла агълулизибад вилрал.

Илдигъунтазибад саби **ТАВАЗУГИРА** — илра адматчиб къаркъала халахлебарни саби. Халкъличил хлурматбарниличилра халабарниличилра гъунивъни саби. Ил тлабигъат буцибси чи виаллира, къабулварнилара файзла веГлира вилрал.

Илдигъунтазибад саби **БУШРА** — илра дигутачил гъуниваибхлели разидешра хлулуклинира даклударни саби. Чили ил тлабигъатли буцаллира, талихчевси ва баракатчевси вилрал.

Илдигъунтазибад саби **САЛАМАТУ СУДУР** — илра лерилра аклубти секлазиб гяхлдеш гъабикни саби. Чили ил тлабигъат буцаллира, урки гъарзатазибадра чеббиклибтазибадра вилрал.

Илдигъунтазибад саби **ССАХАЪ** — илра мас хляжатдеш лебтачиб берхахъни саби, бехлсур лугуси халхебарилли, я пайда барес къасличил ахленси. Чила илгъуна тлабигъат биаллира, ниятлизив халисдешла веГли вилрал, черяхлти даражлумачира айцлур.

Илдигъунтазибад саби **ШУЖАГИЯТ** — илра шарглизивад дурахлевхъи халати анцбукълумазив гъалавиркни саби. Чила илгъуна тлабигъат биаллира, ил инсаплара, хлурматлара, чебяхлдешлара агълулизибад вилрал.

Илдигъунтазибад саби **САБРУ** — илра мусибатунира балагъунира чекасни саби, дунъялизибра ахиратлизибра Аллагъла разидеш хлясулбиахъес багъандан. Илгъуна тлабигъатла веГ сунес кумекбарилли цлакъиахъубли вилрал.

Илдигъунтазибад саби **ГЪИММАТ** — илра Аллагъу таГяла тлабаварни саби, Аллагъ ахленти лерилра секлайзибад гелумизнира саби. Илгъуна тлабигъатла веГ Аллагъу таГялаличи ваибтазибадра чевяхлси пачяхлличи гъамбарибтазибадра вилрал.

Илдигъунтазибад саби **ВАФАЪРА** — ил сунела лезмили чейсуси секлал урки паргъатли бетарахъни саби. Илгъуна тлабигъатла веГ пайдурталара лиГматуналара агълулизибадси вилрал.

Илдигъунтазибад саби **КИТМАНУ СИРРИ** — илра хасдешуназибад сунечи бихъибси бирхауди бихли саби. Илгъуна тлабигъатла веГ гилмурталара хлукматуналара веГли вилрал.

Илдигъунтазибад саби **КЪАНАГИЯТРА** — ил Аллагъли сунес ризкъи бедибси мерличиб къаркъала тлашбизни саби, имцадешличи хълхлебиклули. Чила илгъуна тлабигъат

биаллира, ил чебяхлдешла веГли (цлакълара агълулизибад) вилрал.

Илдигъунтазибад саби **ЗУГЪД** — ил сунес абаала бирусилчиб имцасили дунъя батни саби, Аллагълис тлагъят бирниличил машгъуриес багъандан. Чила илгъуна тлабигъат биаллира, ил Аллагъла шулгив дигантазибад вилрал, халкъла ургавра къабулварибтазибад вилрал.

Илдигъунтазибад саби **ТАВАККУЛ** — ил хляжатбиркуси секлал баргес хлейрухлели, шимайи хлеркни саби, Аллагъу таГялала сахаватдешличи хъарихъули. Чила илгъуна тлабигъат биаллира, ил Аллагъли вагъуртала луглилизивад вилрал.

Чи ишар гъандушибти уряхлти тлабигъатуназибад гъарахъикили, гелумизурли, ишар гъандушибти гяхлти тлабигъатуначи веГлиубли виаллира, ил нушала Идбагла (с.г.в.с.) суннатлис таманни марси адамли вилрал, ил дурхъати валибазивад цалира вилрал, Аллагъли чеббиклибтала ургавра вилрал.

Аллагъу таГялаличи баибтала даражаличи абикибти, къияндешуни чекасибти, цакъти хляланала ургабадтазибадра вилрал. Илгъуна адмалис асубирар адматли шаригъат бузахъниличи тлабибирес.

Сай диннизив Аллагъла халифлира вилрал.

(Хъарахъуд бирар)

МОБИЛЬНИКЛИЗИРАДТИ ЖАВАБТИ

Иш номерлизибси суал саби:

ЦАХИНАБСИ БАГЪУДИЛА ШКОЛАБАЗИР ИСЛАМЛА ХЪУЛЧНИРУРКЪЯХЪНИЛИЧИ ХЛУША СЕКЪЯЙДА ХИЕРДИКУЛРА?

Дебали гяхлсири ил барес биалри! Амма динна идаралис сунесуил мурад сархес дебали къиянбулхъан. Дашира лерилра ил барес далдилзехлену, илхлели ил барес имканбиклур.

8-960...55

Нуша лебтанилра балулра нушала школабазиб бучлуту дурхналар Исламла шайчирти багъудлумала даража сегъуна сабил. Илдазибад имцатигъунтани гядатла секлалара далули ахлен. Нуни халбирулра школьникунани дурсрачир Исламла хълчни руркъес чебиркур или. Илхлелицун илдани динна шайчирти гилмуртазибад се-биалра багъес бирар.

8-928...60

Гъайгъай! Илдигъунти дурсри программализи кадикахъес чебиркур. Амма илхлели бегтала разидешра хлесаблизи касес чебиркур. Гужли селра чекабилгъес асухебирар.

8-928...10

Ну илгъуна бархли баклесгу или хуликилурла. Школализир Исламла дурсри кадирхъалли, дурхлани дин се сабил багъес бирар. Дурхналар ургабра дин – терроризм саби или пикрибиклуту къаршибиркули саби. Ислам – умуси дин саби, илизиб селра вайси лебси ахлен, хаслира дурхлани багъес асухебируси лебси ахлен.

8-928...61

Секъяйда хлериклес вилрара буцларси гъумла авлахъличив хлериес дигуси адмаличи умуси гинизла дяргибти шин дукалли? Ил чараагардеш саби!



Ас-Салам фото

Ил гяхлдеш саби. Ил нушала дурхналар талихли уббулхъан. Исламла хлекълизирти багъудлумачи дурхли хълчиб чула бегтлазибадцун ахленну, школализибра беглбирес гягънибиркур. Адаб-хляяла шайчибси бяркълчи биркур илхлели дурхли. Багъудила Министерствозили дугъадилзутирав ил барахъес? Гяхлдеш бизсара? Хлебалас. Гъанна гъуни чебиахъути атеистуни саби, мажахлат илди илгъуна барес къабулбикес. Аллагъ икъалавиаб хлушаб ил мурад сархахъес! Балга бирулра, белики, гяхлдеш бизс...

АРХИТЕКТУРА

Санкт-Петербургла жумягла мижит

Шагъарла байлаб, Петропавловский соборла ва Петр I-ибилла Юртла мякълаб тлашли саби ХУ ибил даршдуслизиб Самаркандлизиб тлашбатурси Востокла архитектурала маржаннизи халбируси Гур-Эмир мовзолейлагъуна къуббаличилси лебглеб жагаси жумягла мижит.

Россияла империялизиб бусурмантала мар-марли халаси умма лебли биаллира, пачала хлукуматла замана Петербурглизиб бусурмантала мижит лебси ахленри. 1880 ибил дуслу бехлибхъудлизиб Петербурглизиб хлербироти татарти тах шагъарла халабегилтаци дугъабизуртири мижит тлашбатахъес пурбанбарахъес ва 1906 ибил дуслизиб духлнарти къуллукъунала министрстволи мижит белшес арц дурчуси хасси совет аклахъес пурбанбарисире. Мижит белшес харждарибти арцлизира имцатигъунти бусурмантазира дучибтири. Россиялизиб хлербироти бусурмантани ил тлашбатахъес ик-алабарисире. Бусурмантала мижит шагъарла байлаб тлашбатахъес къабулхлебиркутира бахъал лебри. Амма Троицк ла гумила мякълаб мер декларбарисире. Пача Николай II-ибилли шагъарла байлаб мижит тлашбатес мер



бицахъес пурбанбарисире 1907 ибил дуслизиб. Проектла авторти сабри архитекторти Н. В. Васильев, С. С. Кричинский ва А. И. Гоген. Бухарала эмир пачалихълис беклдеши дирули 25 дус виънилис багъишлабарисе шадлихъ дурабуркхлелели, 1910 ибил дуслу февральла 10-личиб мижитла хълчилизи цаибил къаркъа кабихъиб-сире. Итхлели Петербурглизи ваклили Бухарала эмира левсире.

Мижит бузесаибсире 1913 ибил дуслизиб Романовхъала жинс Россиялис беклдеши дирули 300 дус биънила байрам дурабуркхлеличил бархбасахъи. Амма итхлелира мижит лушнила хлан-

чи ахирличе дикили ахленри. Мижитла бухлнала балкъарахъниличил дархдасунти хланчи гурра верхлел дус духъандитлунтири. 1920 ибил дуслизиб сабри мижит таманни балкъаурсе.

Мижитла архитектураличе хлербихлели, Средняя Азиялизирти мижитуначе халасе мешудеш хлесибарес вирар. Мижитла къубба къалли машгъурсе Гур-Эмир мовзолейла къубба тикрарбарни саби. Луцрачирти някъиш Шахи-Зинда мижитлайче мешути сари. Луцри гранитла гленба дуцибти сари. Илди гленбани мижитла юрт лебсилеб халасиван балахъули саби, ил бетуц Петербургла архитектура-

ла лишантаци гъамси саби. Гъярца, ахъти миммарти хъанца чеартличилти чинила гленбачил жагадариле сари. Илди гленби урусла устна дарибти сари машгъурсе художник-керамист А.К.Ваулинна хлерудилиур. Мижитла гъала-бяхлизири лерглер жагали далкъаахъурли делклунти Къуръайзирадти аятуни сари.

Гядатлибиубли Востоклизиб бируливан, мижит бухнабадра лебглеб жагали ва чебетаахъили балкъаахъурли саби. Илала духлар дахъал арсаварти лер.

Бурхличибад жибжирбатурсе бурес агарли халасе люстраличир булан гъараб мезли делклунти Къуръайзирадти аятуни сари. Мижитла духларти тлулрера мармар къаркъали жагадариле сари.

Дахъал някъиш лер. Петербурглизибси мижит Европализирти бегларе халати мижитуназибад ца саби—илизи цазаманализиб 5 азир адам дехлибайчи кабизес бирар. Ил дебали мягничебси саби, сенкун Петербурглизиб хлербироти бусурманти глергъити дусмала бухнаб дебали имцлабиубли саби. Жумяг бурхназиб мижитлизи дехлибайчи музабухъунти бусурмантани мижитла мякъларти къакъурби булан дицили дирар.

1930 ибил дуслу ахирличиб Советское правительстволла хлукму хлесибли мижит къапбарисире. Мижит сагали бузесаибсире 1956 ибил дуслизиб.

БУЧИАНТАЛА КАГЪУРТИ

НЕШЛИС ТУЛКИ

Беклала къялшуба неш руцибхлели,
Израгилли сунна жан айсухлели,
Руржути клунтуба байрирухлели,
Дунъя наб жагъаннаб сабри итхлели.

Ахлерсила рухли ну валтухлели,
Анкъилав ну хъяша симкъиклухлели,
Хила туми тамай тярхидиклухлели,
Нура вебклибсиван сайри илхлели.

Ит буцарси децра алкунси цаван,
Дагърилизиб лебал гъаннара булан,
Чукурбиуб чархра дила къяклаван,
Батхлебухъи лебал тят итхлеливан.

Черрерхи набчирар, дила ахлер неш,
Хлебиуб хлед дила мискъалла гъяхлеш,
Бетхлеур уршила чебла чебахъес,
Дудешличи биуб камсилра хлеш.

Рахманничи нуни хъя барисире,
Даим хлу хъумхертес чеасибсире,
Ахиратла хъули аркъухлелира,
Аллагъла ва хлела уми ихъисра.

Дунъяла дурхъаси жавгъар духури,
Хлу къяйда умуси хлебар мургъи,
Хъумартес вирусу дила хлу Берхли,
Уркила бутлаван сарри гъар бархли.

Гъар жумяг ну хлела хлябличив вирус,
Децра шишимтира илар чямдирис,
Ахиратлизиб хлед гъяхлешра булгас,
Аллагъ чевверхахъес дугъара бирис.

Някъ бурцу никлала - ганзиклар вархъли,
Гямрулизиб гъуни глебурру хлекъси, -
Ил барес, неш, хлед хлебаиб сагъят, -
Агарану дила хасси санигъят.

Нушани нешани мяхкамбирехле,
Мурталра мицирли кахлевлулину,
Нушаб далутти чула рухла гъе,
Умули калахъес чебла сабину.

ХИЯСАЙНИЕВ Гябдуллагъ
Дахадаевла районна Зубачила ши.
Дергъла ва бузерила
ветеран.

Рузнама

ИЮЛЬ

дни	утрен.	восх.	обе-денный	после-обед.	вечерн.	ночн.
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Учредитель

Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ

заместитель муфтия РД
Махди-хаджи МУТАЙЛОВ

заместитель муфтия РД
Мухаммад ДАВУДОВ

Редактор
Патимат ВАГИДОВА

Канонический редактор
Гарун ДЖАГУМОВ

Верстка
Асият ХАНОВА
Ахмед МАГОМЕДОВ

Набор
Тавсултан САИДОВ

Менеджер

Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).
Свидетельство о регистрации ПИ № ФС 10-6401 от 15 декабря 2006 г.
Индекс 51390

При перепечатке ссылка обязательна.
Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 12 июня 2008 г.

Тираж 3700 экз.

Адрес редакции

367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: info@assalam.ru;
www.assalam.ru